

BAKURUBASANNI


(n'moro 12 songo)

Mali kono = Dōrōme 300

Afiriiki kono = Dōrōme 600

Jamana were = Dōrōme 1000

Mekalo san 2001



Kunnafonisében bota kalo o kalo. BP: 24 Telefoni : 21-21-04. Bozola Bamako-Mali. San 29nan boko 352nan A songo : dōrōme 15

Afiriiki jamanakuntigiw furumusow ka welelikan

K'a ta san 2001, mekalo tile 8na ka t'a bil'a tile 9 na Afiriiki jamanakuntigiw furumusow ye njogon dalaje kasaara do njogoyal la an ka jamanaw kono, n'o ye denbaw ni denjerenin saya ye. Jamanakuntigiw musow ka tonsigi nemogoya min tun be Adamu BA KONARE bolo, a baaraw bee kera Bamako «Pale-De-Kongere» la. Peresidan muso minnu tun be Adamu BAKONARE kerefe kene in sankorotali ja, o ye Editi LUSI BONGO ye ka bo Gabon ani Hanriyeti KONTE ka bo Lagine ani Shantali KONPAWORE ka bo Burukina Faso, ka fara Marigeriti KEREKU kan ka bo Benen ani Wiwiyan WADI ka bo Senegali ani Esitela OBASANJO ka bo Nizeriya ka n'a laban ni Madamu KUFUWORI ye ka bo Gana.

Farafinna jamanakuntigiw furumusow y'a jini Afiriiki ni dije seleke naani mogow bee fe, u k'u miri, k'u taasi doonin an balimamuso caman ka musokel'e saya n'u njogonnaw kan, ka fara denjerenin caman ka seginko kan. U ye Bamako kunben welelikan ke seben nafama kerenkerennen do ye o kadara kono, ka kasaara ninnu kunw n'u kolo low fesefese min kono, walasa an ka je ka fura numanw jini denba ni denjerenin saya la, min te ka to to Afirikidenw na.

U y'a jira u ka Bamako benkansében kono, k'u labennen don ka denbaw n'u denw saya hake dogoya ni tilance Afiriikitilebinyanfan na sannisan 2010 ce. Min ye muso lajolenw furakeli ye k'u ka tin nogoya, u ka se ka jigin here la, Afiriiki jamanakuntigiw musow k'olu ben'ucesirio baarakela faamuyalenw labennikola aninfolokola min kasabi bena don o baaraw dafe.

Afiriiki peresidanw musow ye naniya were boloda, min joyoro ka bon denba n'a den ka kasaara in keleli la, n'o ye faantanya keleli ni balikukalan jiidili ye Afiriiki jamanakuntigiw furumusow ni dogotorow ye hakillifalen baro ke fceré

U ko ni muso caman sera k'u bolo dayoro don, a ka c'a la u be se ka feere soro u yere ye banaw ni kasaara camanna, minnubek'u njogori su ni tile. U k'u ben'u bolo di u furucew ma denbaya ka kene ya sabatili wale gelénw tiimeli konuman na. U beñ'u jeniyoro fin dogotorow kalanni n'u labenni na ani k'a jini Afiriiki sigida kelen-


kelen mogow bee senka don kene ya baaraw la, sanko cew.

Afiriiki jamanakuntigiw furumusow y'a jira u ka laselili sebenba kono, k'u sago ye don kelen ka labila Afiriiki kono, k'o ke denba ni denjerenin saya kaledonba ye.

U ye Mali goferenaman yamaruya, a k'u ka laseli sebenba jira Afiriiki ka kelenya tonba «OUA» ka laje senfe min bena ke mekalo in na Misirajama faaba kono, n'o ye Keri ye. A ka jemukan kono, Madamu TARAWELE Fatumata NAFO, n'o ye Mali kene yako minisiri ye, o y'a jira ko denba ni denjerenin saya kubenni, ka do bo a kasaaraw la, k'o temogokelenko ye; a koan bee lajelen kunkodon, n'ant'a fe k'an furumusow n'an denw to saya bolo k'a soro an be se k'an seko ke. Taalen nefe, minisiri Fatumata NAFO komuso minnu sata be bo musokel'e la Afiriiki mara kono, ohake njogon te soro yoro si dije seleke naani na.

A ko denjereninw fana ta b'o cogo kelen na? A y'a jira ko mellekenin minnu be sa jiginni senfe dije kono, n'i y'o kemesarada, i b'a soro 98 ye jaman horonyalen kuraw denw ye sanko Afiriiki taw.

An ka jamanakuntigiw furumusow ni dogotorow ye hakillifalen baro ke fceré



Adamu BA KONARE ni Afiriiki jamanakuntigiw furumusow

tigetaw kan ka dansigi kasaara kofolenw na.

Editi LUSI BONGO k'an ka kan k'an nemada tow ma, n'an b'a fe ka musokel'e kasaara ni denjerenin saya keler. O siratige la, BONGO furumuso ko k'an ka kan k'an yere jininka dije seleke naani mara tow sera cogo di ka feere soro kojugu in na.

Wiwiyan WADI y'a jira k'an ka kan ka muruti denbaw n'u denjereninw sayako la, bawo a man kan yoro tow la cogo min na, a man kan Afiriiki fana kono ten. Min ye Adamu BA KONARE ye, ale y'a jira k'u keli ka hakili soro ka na njogon kunben kasaara in keleliko la Bamako, k'o ye jigidayoro ye u ka baara nafama in na.

Alifa Umaru KONARE furumuso ko tuguni ko nin kelte te olu doren ka kelte ye. A ko jamanaw bee ka kan ka musokel'e ni denjerenin saya k'u ka baara kologirin bolodalen do ye, ka cew ni musow bee damakeye a baara la, walasa sanni san 2010 ce, an k'u ka hakili numan soreden no ye Afiriiki bee kono. Adamu BA KONARE k'o yoro la, an si man kan tuguni k'an sigi k'an bolo fila d'an sen kan. Bee ka do fara i ka cesirijala jijali kan an furumusow an denwnilakanani keler la.

B. Dunbiya ni Basiriki TURE

Faganw farali nōgōn kan o bē hijiko sabati

San bē n'a ka kow don hijiko siratige la. Nka san o san goferenaman ni kenyereyew b'u fanga ke kelen ye walasa hijiko be se ka sabati, kabini. Mali la yan fo Sawudiyajamana kan. San temenin in na hijiden minnu bora Malila k'ukunda Makajamana kan, O bennā hijiden baa 5 ma. Nin hake be san tow ta ne, i n'a fo Eli Haji Isaka Tarawele y'a jira cogo min na, n'ale yegoferenaman mogosigilene hijiko nənaboli baara kama. O n'a ta bē, lajelen feere nənamaw sirila walasa ka hijiko sabati kabin'a damine waati la.

Ohukumu kono hijikolabenniwsenfe, jekulu do sigira sen kan min be kunnafoniw nini Makajamana kan yen. O jekulu ka baara kelenw latemena jekuluba ma min ka baara ye hiji konew nənaboli ye; o de kera sababu ye ka hijitaa musakaw dantige, k'ubensefawarimiliyonkelen ni baa keme naani ma; fo ka se sefawari miliyon kelen ni baa keme duuru ma, musakaw bē lajelen be minna. Ob'a jira ko, n'iya nisantow taw da nōgōn koro, kemesarada la, 8,55 farala musakaw kan. Kabini hiji labenw damine na, goferenaman ni kenyereyew ka tōnw y'u fangaw fara nōgōn kan ka hijidenw ka togosébenkow, bolocikow, furakelikow, musakakow, karinew dilanni ani taamasébenkow, bē lajelen nənaboli waati kofolen na. Walasa nin konew bē lajelen be se ka sira soro, hiji labenbagaw fo'ra nōgōn kōdōnni; nka kenyereyetan nōgōnna na ni goferenaman jera ka baara ke walasa ka kow sabati ka ne. An ni kenyereye minnu ye nōgōn kumanogonya, in'afo «Maka wayasi», «Tamu Wayasi» ani «Makisiwayasi», olu bē lajelen y'a jira ko baara kera nōgōndemē hukumu kono. O nōgōndemē in de kera sababu ye ka taamasében kerenkerennenw dilan hijidenw kama.

Jamana kono kono minisiriso ye laben

min sabati, ka yamaruyasēben bila kenyereyew ka bolokan, cogo minna u bē se K'u nesin u ka baaraw ma, o kera sababu ye ka baaraw nōgōya fan bē fe. Annikenyereye minnu barola, olu y'a jira fāna k'u bē foli kerenkerennenbilaka taa «Eri-Afiriki» ma, ale minye «Boyingi 747» latem'u ma, ka fara pankurun wēre kan ani «Eri Layinisi» min fana ka deme ma kōtigē.

Tuma min na hijidenw sera Makajamana kan, gelya minnu sōrola yen, olu bē tali ke taransiporikow la ani dumunikow, ka fara kenyaya sabatili konew kan, ani hijidenw ka sisokow Mina ni Arafa yorow la. Nka cogoya sōrola gelya ninnubē lajelen na san 2001 hiji la.

Mali hijidenw bē lajelen bisimilara jamana ka lasigiden Eli Haji Mohamedi.

Ali Camu fe, Jeda pankurunjiginkenēba kan. A ma danfara ke hijidenw ni nōgōn ce, goferenaman taw fara kenyereyew ka hijidenw kan. «Maka wayasi» ka hijiden dō y'a jira ko Malika lasigiden ye hijidenw bē lajelen minne kelenw ye. O farifoni kelen fana tun bē labenbagaw ka fan na. Karimu Dunbiya ka fo la, n'ale ye «Maka Wayasi nəmōgo» ye, kenyereyew ka kan k'u fangaw ke kelen ye, walasa hijiko ka sabati an ka jamana kono, cogo la min be ke sababu ye goferenaman k'a sen bo hijiko la, k'a konew bē lajelen bila kenyereyew ka bolo kan. Nka an be don min na iko bi goferenaman te se k'o ke abada fia hakili ka latige ko kenyereyew bē se k'a baaraw bē lajelen ke konuman, ka hijidenw bē wasa.

B. Kulubali
Badama Dukure

Sorodasikorow ka sarakomankan juguyara

Sorodasikorow ye diyagoyalako min ke, a bē kalo damado bō, ka mogo lasigilenw sarali kesi nəmōgo minne, k'a koron yorōnin kelen, u tun b'a fe k'owale suguya ke, san 2001 mekalo la; nka kow ma se ka sira soro.

Sorodasikorow tun y'a nini ka taama dolaben ka taa foperesidan fe yen, ka t'u ka nisongoya jira, ko min faral'uka saraw kan, ko halibi u tēge ma d'a wari kan.

Polisiw ye gerenadiw fil'ukan k'u neji bōwarabafileso yorōla; nk'ona ta bēse u y'u jija ka se fo Kuluba ni Kati sirakunben na.

Son kelen don sorodasikorow ka wari in sarali ma; nka goferenaman ni sorodasikorow ka biro nəmōgo Isa Ongoyiba benn'a kan ko warika sara san saba nōgōnna kono. Taamanaw ka nəmōgo Abuduli Karimu Sidibe ka fo la, ale n'a jenōgōn diminenba don biro mogow koro, k'a sababu k'u ka baara nədonbaliya ye, wa u bē ka sariya fana soso; sabu olu tun man kan ka teme san duuru kan k'u to biro

la. Tuma min na u ni sorodasiw ni sorodasikorow ka minisiri Sumeyili Bubeyi Mayiga ye nōgōn ye, u tun ye jekulu do sigi min b'u deme k'u ka wariko nənini.

San 2001, awirilikalo tile 4, jekulu min sigira ka wariko nənini. o ye Isa Ongoyiba n'a baarakēnōgōn gen ka b'uka birow kono, sorodasikorow toqola soba la. O kelen faamaw fana ye polisiw bila ka taa jekulu in gen ka bō, ka biro daw sogo, ka polisiw bila ka yorō kolosi. O kofe Sandaramaw ye nininkalikologlenwta ka jekulu mogo saba segerē lere naani kono. Olu y'a jira k'u ye sorodasikorow de ye, u ni min ka kan, o ka kan ka d'u ma, sab'u y'abaara numandeke ka teme. Jekulu in nəmōgo kojugu Sidibe y'a jira k'u ye sigikofe caman ke ka teme; olu si ma mago ne. Sorodasimuso filiyato, Fune Makalu y'a jira k'u te dōwēre nōfē u ka warikō; a ka d'u tēge sanni san 2001 ka ban. Halibi hakiliw ma sigi a ko la.

B. Dunbiya
Badama Dukure

Kunato do su yera pon jukoro Bolibana ni Bajalan kinw ni hogon ce



Nin ye nson kunatoké su ye

Arabadon, san 2001, mèkalotile 9, kunato do su yera Kase KEYITA togola sira pon do jukoro, Bolibana ni Bajalan kinw ni hogon ce, fajiri waati la.

Walaha tuma, polisiso mögow ni dögotoroso taw nana a laje, k'a soro joginnida caman b'a farikolo la, sanko a senw n'a k'o n'a kunkolo n'a tulow. Asen n'a bolo fila tun dañen b'a kofe, k'a siri kosebe.

Bajalan dögotoroso mögo min nan'a laje, n'o ye Asani SANOGO ye, o y'a sementiya ko joginnidaw de kera a sata ye. A jirala ko kerefe mögow si ma foyi faamuya kunato in saya la. U y'u ta ke fileli ye dörön. Min ye mögow kònòrfili, fure in farikolo yorobee tun dafalen b'a la, n'o te mögo tun be se k'a jate sarakajugubola dòw ka wale ye.

Mogo caman hakili la ko tasarajuru de be soro nin ko suguya jukoro. N'o y'a soro a ye ko do ke do ka mögo la wali n'o y'a soro a be nsonw ka je la, n'a y'olu janfa.

Bolibana polisiso ye ko bee ke fo ka t'u tège da kunatoké sayakun jònjon kan. San 2001, tarata sufe k'a duguje araba la, polisiw ka segesegeli bòr'a kan ko kunato in taara sojèni na Bajalan du do kono dugutilaba fe. Du in n'a masurunya so tow denmisénw de y'a poron, k'a fosoñ dewu ni jurukise ye, ka gosili suguya bee do d'a kan, o ko k'a fofe ka t'a fili pon jukoro. Seere do ka fo la, u ye kamalen in gosi f'a be kooro u bolo, a y'u deli, ko n'u m'a to yen, k'a be banakotaa ke.

A jirala k'a kulekan ye musokoroba do lana a yoro la, min ye denmisénw deli u ka hine a la Ala yere kosoñ. Nka funankeninw ye kunato in labila yoro min na, a y'a nini k'a sen fa. O de k'er'a ka fili ye, bawo denmisénw y'a mine k'a to lase. Seere in nana y'a tuguni, k'u y'a ka jufaw momo o kofe, ka dögotoroseben do soro a kun, a sementiyalen don min kono ko

kunato in ye hakosenena de ye Kalaban-Kura, nintun bek'a yere ura ke Jikoroni cunafurakeyòrola. P o l i s i w adonniyara ko denmisénw y'o sebenfara-fara. U ko nson were ninena nin kin kelen in du do kono, min fana sata bora a bugolidaw la. Bajalan denmisénw k'u kalikan te dowers ye, olu

koni te taa ni nson nima ye polisiso la. Bajalan polisiso ko nj kinnamogow ka deme te, olu te foyi don kunatoké in kan. Polisiso n'èmogò n'o ye Adama SANGARE ye, o ko ni mögfagalaw yere kera dugumogow ye, olu tèna son cogosi la ka hogon kofe, n'o te sariya ka kan ka tige yoro la min kerenkerenn don a kama.

A kolosira k'an be don min na i ko bi, mögo caman b'u ka sariya tige u yere nagakoro, k'asoròolude ka kanka sariyatigilamogow deme.

Solomani Bobo Tunkara
Basiriki Ture

Jamanakuntigi yafara Duwa Abarahamu SISOKO ma



ARAMOSI labilalen ka bo kasó la

Hakilijigin na, Mali peresidan koro Musa TARAWELE n'a furumuso Mariyamu SISOKO n'a nimogoké Duwa Abarahamu SISOKO, n'a be wele ko ARAMOSI ka fara a ka ni nèmogò werew kan, u mögo 32 minena san 1991, mariskalo tile 26 don.

Bee y'a don ko Musa ka fanga binni ma ke nègoya la, bawo mögo fagalen la kodonnenw hake sera 755 nègonna ma Bamako ani Mali dugu werew kori.

Musa ka san 23 fanga ma dan fagali dörön ma, jamanakuntigi koro n'a kokejogonw ye Fasonafolokelenburuba ye k'a nesin u kelen da ma, k'a soro fasoden tow tun be kongoni janikisebilen na.

U ka kiri tigera kasaaratow n'u somogow ani maliden toorolen tow bee lajelen nesumali kama, ka balawu latigecagaw

nangi sariya hukumu kono. Kirri in forobayara, k'a kojew bee jira television (jabaranin) na, k'a kumaw jensen arajo la, walasajamanadenwk'uye, k'ulamen. Forobafanga sinsinnen ni Alifa Umaru KONARE sigili ye Mali jamanakuntigia la, a hinèna Musa nòkanmögo caman na k'u ka kasolodon kuntaala surunya. An be don min na i ko bi, u fanba labilala ka bo kasó la.

Nka min ye Musa TARAWELE n'a furumuso Mariyamu SISOKO ye, olu ka danteme wale kiiri kuncera u fagali kan. Nka hinè kelen min be Alifa Umaru KONARE dusukun na, n'a b'o waleya a ka dijelatige wale bee la, o hinè de y'a to peresidan Alifa ye Musa n'a furumuso n'a nimogoké ka fagali yelema k'a ke u Sikaso ye.

San 2001, mèkalo tile 2, Mali jamanakuntigi Alifa Umaru KONARE ye Duwa Abarahamu SISOKO ka sikaso yelema, ka yafa a ma, k'a labila k'a bo kasó la. Nin ko ma bala malidenw na, bawo peresidan Alifa y'a jira k'an ka jamana seko n'a dònko semjiri dow ye danbeniyafa ni majigin ye hadamadenya walew bee nènaboli la; o de kosoñ a yafara ARAMOSI ma, min tun nangira faso nafolodun kosoñ. Sanni yafa ka ke Duwa Abarahamu SISOKO ma, jolibon kiiri tun ye Musa TARAWELE ka nèmogò werew nangi nifagaliye, nka hadamaden nègona hiine kelen in kera sababu ye peresidan Alifa Umaru KONARE k'olu labila ka bo kasó la.

Oye zeneral Seku L'Inzeneral Mamadu KULUBALI ni Koloneli Usmani KULUBALI ye.

Basiriki Ture

Tiripolikaw ka kiiritige bere binna

Lib i kiiritigeso do y'a jira ko Nizeriyaka naani, Libika fila, ani Ganaka kelen ka kan ka faga, k'a sababu ke u no yera walew la minnu kera sababu ye ka joli bon, n'u kera san 2000 setanburukalo la. Nizeriyakaw la mogo kelen ka kiiri tiger'a kofe k'a sababu k'a bolila. Nominen tow bee lajelen tun be jamanadenw ka kiiritigeso ja, n'o ye kiiritigeso kerkenkerennen ye Libi. Mogo wolonwula ninnu nominenen, k'a sabati k'u tun be Libi jamana ka politiki soso, min nesinnen don farafinjamanaw ma, k'u ye Libi jamana ka walejumanw lagosi farafinna demeni siratigel, ka dankari Libijamana ka lajini na, n'o ye farafinjamanaw farali ye nogen kan ka ke tonba kelen ye, ani basigi tijeni jamana kono. Farafinden mogo duuru minnu be mogo nominenen na, n'olu te libikaw ye, a jirala k'olu ye libika do faga, ka laban ka soneni fana ke.

A jirala ko farafinden mogo tan ni fila nangira sariya fe; mogo kemne ni biwooro ni duuru, libikaw ka ca minnu na, olu ka kasow b'a ta kalo 6 la ka t'a bila san 15 la. Dow bilala sariya fe.

Mogo nomisenen bee lajelen be ben 311 ma; libikaw ye mogo 290 ye, dunanweye mogo 41 ye. Ninnu bee lajelen nominenen sariya fe ka sababu k'u no sorola walew la minnu ye libika kelen; nizeriyaka fila, sudanka kelen, ani Cadika fila b'one u ni na. O ye libijamana ka mogo haké folen ye minnu sara; n'o te farafinjamana mogoy'a jira ko mogo fagalen haké be se 130 ma. Libijamana ka fo la, nin wale in sorola fagali do senfe, min tara sudanka do fe ka libika do segeré, tuma min na a yera ko sudanka binna libika dögomsu fitinin do kan.

Mogo 316 de tun be kiiritige kene kan; bawo tow bolila. A jirala kominnu kiirila olu be se k'a jini segin ka k'u ka kiiri kan. Lakalitajininaw tun be kene kan; kiiri yere daminenen kabini san 2001 zarwiyekalo tile 23.

A kol sira ko kiiri tun be ka ke yoro minna, ini nabagaw jor'a o sirabaw bee lajelen ore ni kere.

Tumurin na kiiri tigera ka nangiliw danfii, lakanabagaw wajibiyara ka

bagabagali ke, sabu minnu nangira kosébe, olu dow serila kabbin duguma; minnu la bilala, olu y'u ka nisondiya jira ni maganbaw ye kiiritigeso kono. Kiiritige in ketuma y'a soro libikaw ka kunnafonidikulu ye laseli do ke min tun b'a jira kofarafinden mogo 93 suwyera libijamana tilebinyanfan fe. Nizeri

jamana goferenaman ka laselikela y'a jira ko su yelenw bee lajelen bennna 140 ma. A jirala ko mogow don minnu b'u dogo ka taa wali jamanaw kono; kongo ni minnogo y'u faga u ka mobili tijen Sahara kono; mobili in bora n'u ye Nizerijamana kan.

Badama Dukure

Su do ye tile kelen ke Liberewili nbeeda do kan

Gabon faaba kono, n'o ye Liberewili ye, san 2001, awirilikalo tile 30, u ye banabaato do su da nbeeda kan, dugu in faantan kin do kono. A jirala ko somogosi ma ye su in na, sanko k'a don a be bo yoro min na; a konisata bora bana de la. Kinnamogow de y'a ta k'a lada sira kan, walasa mobilitigwi ka hine a la, k'u sekou jira a jenajali la. Kunnafonidila do y'a jira ko

su in kera filelifen min ye, a ma ne a ye sira nagami bolifentigiw bee bolo. Mogo tun be k'a sogoya file doron; bee tun b'a fe k'i ne d'a kan. Ajirala ko somogontanw ni faantanw suko kelen don fognogonko ye «wari» ni fangaso ce, bawo nin ciyakeda fila bee be ka nogen jalaki somogontanw sudonniko la Gabon yoro bee la bi.

Basiriki TURE

Dorogufeerela jekulu do minena

San 2001 mekalo tile 21, polisiw ye dorogufeerela dow mine Sikaso. A jirala kokabini san 2000 okutoburukalo la fo ka se bi ma u tun ye Endi dorogu juguba «sanwuru endiyen» tonni ba kelen ni kemne fila ladon jamana kono. Jekulu ni nemogo Abudulayi Zorome, ni burukina ka don, on'a tonnogon mogo duuru minena ka dorogu in kilo 307'u bolo. A jirala ko dorogu in bora Ganajamana kan.

Polisiwy'a jira ko Abudulayi kokejogon

do be Bamako, min togo ye ko Sidi Mohamedini tege ma se ka d'a kan folo. Ale tun be ka dorogu in kono, k'a jense Mali n'a dafe jamanaw kono. Abudulayi Zorome y'a jira "AMAP" ka lasigiden na ko nin dorogu bee lajelen bora Gana jamana kan; olu ka dorogu feeretaw bee lajelen be b'o jamana in kono, ka Burukina jamana ceci n'a ye, ka soro ka n'a jense jamanaw ni nogen ce Mali kono yan.

Badama Dukure

KUNNAFONIKOBILAMA LAHALAYADINE CONAKRY

An be don min na i ko bi, jamana 29 be dije n'a lamini ma donkibaru lakalitasen te soro yoro minnu na; jamana 5 de be yen telewisonso te minnu bolo. San 1990, telefonijuru 97 tun bennnen don mogo 1000 ma; san 1997, ohake sera telefonijuru sabatilen 139 ma; o koro ye ko setigijamanaw kono, mogo fila jelen don telefonibaara kelen na; jamanasentanw ta ye mogo mugan ye telefonibaara kelen na.

N'i ye dije n'a lamini jamanaw tila saba ye, i b'a soro tila kelen kono mogo 1000 jelen don jabaranin 50 la. Min ye arajoko ye, dije kono, mogo 1000 jelen don arajo 420 na. Setigijamanaw kono, arajo kelen be mogo kelen-kelen bee bolo; mogo naani jelen don arajo kelen na faantanjamanaw kono. Nin kunnafoi bora «UNESCO» ka jatemineyoroba la. «UNESCO» ye dije seleke naani tonba «ONU» ka bolofara ye min nesinnen don kalan, ani sekou ni dongo ma.

Badama Dukure

San 2000/2001 sannifeere ma jigiw fa

K'atasan 2001 m'ekalotile 22 la ka t'a bil'a tile 26 la, Mali senekelaw demelitonba «DNAMR» ye laje do laben walasa ka san 2000/2001 sannifeere kojew sigi bolo kelen kan, ka tila ka san 2001/2002 sannfeere kojew laje.

Tonsigilaw ka kuma bëna boli san 2000/2001 sannfeere min kan, o soro bëe lajelen bëben suman toni 2.380.000 ma.

Suman suguya bëe lajelen faralen n'ogon kan; salon ta benna toni 2.893.000 ma. O b'a jira ko kemesarada la soro binna ni 17,5 hakeye. Baloko dese in digira jamana köröfela de la kosebe, sanko Moti, Gavo, Kidaliani Tumutu. Demelitonba in mögo do, Banjugu Jawara ka fo la, ni salon baloko fisayara doçnin jamana fan bëe lajelen na, san 2000/2001 ta kera cogoya wëre ye; yoro te jamana kono ja ma ke yoro min na. Jamana marayorow bëe lajelen ka cidenw bëkene kan ka fara porozew ni ciyakeda wërew mögöw kan; ubena je ka soro bil'a minen kono, ka feerew siri walasa ka kongo kuben jamana kono. Owaleka kansabu don o don balo caman bëka bo jamana kono ka taa Moritani, Burukina Faso, Nizeri, Senegali ani Kôdiwari, olu minnu bëka balo san walasa ka baloko desekunben ka b'u ka jamanaw kono. Nin wale kelen don sababu ye ka togodalamögöw degun bi kosebe k'a sababu ke balo songo yelenni ye k'a dama teme. Wa nin wale bëjuguya ka t'a fe fo ka se waati ma min b'a soro senefen körönenw banna, kuraw ma se. O be to senna fo ka se balo kuraw seli ma.

M. Kulubali ni Badama Dukure

Burukina Faso : Nin bëe sanu jeman !

Burukina koori labaaratón y'a jira ko san 2001-2002 koori sorota hake ka kan ka se fo toni 400.000 ma; O kofe koori kilo kelen songo be ke sefawari döröme binaani ye, k'a soro san temenenw taw ma deli ka teme toni 270.000 kan; o waatiw la kilo songo tun ye sefawari döröme bisaba ni wolonwula ye. Nin hake yelenni

FITINA bëna Mali koorimugu don da la

Mali de bëten kan koorisene na Afiriki Saharayanfan jukoro jamanaw bëe la. Nka on'a taa bëe, anka jamana bëe koorimugu min bayelema, o te foyi ye Mali ka koori hake sorota koro. O de koso, sira caman bëka nini k'an ka jamana koorimugu don da la, walasa an ka se ka nafolo soro jamana ka netaa n'a ka bongola sira kan.

O siratige la, taratodon, san 2001, m'ekalo tile 15, bolonc bilala benkansében dola Malitogoda yiriwali minisiriso ni gaaridilan ni geseda kenyereye ciyakeda do ni n'ogon ce, min ka baara nesinnen don Afiriki jamanaw koorimugu labaaralima, n'a tögo ko «FITINA-SA».

Bolonobila laje in kera gintannin ye Mali cikelaw ka yiriwali minisiriso la minisiri Eli Madani JALO ka n'omogoya kono. A sankorotara ni «FITINA-SA» ciyakeda kuntigiba yeli y'a kene kan; n'o ye Patirisi KOSITA ye.

Benkansében in kun ye ka Mali koorimugu don da la n'a bayelemai ye k'a bo toni 210 la k'a ke toni 25.000 ye sanni san 2011 ce. Minisiri ye FITINA fo k'a walenumandón o baara numan in hakilina soroli la.

A jirala ko izini minnu bëna jo FITINA fe koorimugu bayelemai kola, a bëna ke sababu ye ka baara di mögo 150 n'ogonna ma a damine na; nka taalen n'efé n'a baara lawerela mögo 6.000 n'ogonna bëe bëna bo baaratanya la. O temenen k, FITINA bëna nafolo kasabi min ladon Mali kun, o hake bëse sefawari miliyari caman ma min bëna ke malidenw jigiba ye.

Minsiri Eli Madani JALO da sera geleyaw ma kooriseneko la Mali kono,

sababu bora koori senekene waranni de la, ka botaari 270.000 la, ka setari 350.000 ma.

Koorisene bëburukinaka mögo miliyon fila hake de balo. Wa kókanfeere siratige la, kemesarada la, i b'a soro koori joyoro be ben 60 hake ma.

Zeni - Afiriki
Badama Dukure

min nojugu n'a degun bëka se malidenw ma, Ala ni koorisene joyoro y'o sababu ye an ka jamana kono. A k'o yoro la, FITINA nana a natuma la Mali kono, bawo a bën'an deme k'an ka soroko walew bila sira numan kan, sanko koorisene banbanni ka si kuntaalajan d'a ma, walasa Mali tögo koro ka segin a ma.

Minsiri ko k'a bëse se ka layidu min ta FITINA ye, o ye Mali fangaso ka deme y'u fan fe, walasa uka se k'uka baara bolodalenw bëe bo u sira fe. Patirisi KOSITA ye kuma ta ka Mali goferenaman tanu ani k'a walenumandon uka jekabaara in na. Fan fila ye layidu ta ko sanni kalo 3 ce, u bëna n'ogon ye kokura k'u ka kelenw kiime.

M. Tarawele
Basiriki Ture.

CMDT ka tonsigi balalen

San 2001, m'ekalotile 16, Malikoozene ciyakedaba n'o ye CMDT ye, o y'a ka tonsigi balalen do ke Bakari TARAWELE ka n'omogoya kono, n'o ye seriwusi in kuntigiba ye.

Tonsigi in tugura Malikoori labaaralaw bëe lajelen ka n'ogonkunben na min tun nesinnen don koorisene geleyaw ma. O de koso, a kumaw munumununa fen kelen min kan, o ye feerew numan soroli ye ka Mali bo koorisene ni koori labaarali siraw geleyaw la.

Tonsigilaw ye CMDT n'omogoya ka feerew bolodalenw fesse-fesse o hukumu kono. O la, u da sera fen minnu ma, o ye :

- juru min bë CMDT la; o sarali bolodacogo, sanko banki jekulu ta min sarali man kan ka teme, san 2001, zuwenkalo kan ;
- Baara kologirinw lajoli ;
- CMDT boloboli foroba baaraw la, minnu tun kalifalen don a la;
- Do boliciyakeda yere labaaralinafolo la: Nin feerew waleyali bëna caman bo koorimugu musakaw la ani ka koorisene bila sira numan kan.

Nɔɔnbugu, Wolodo ani Nɔnkɔn b'a fe ka don Otiwale ka kana kɔnɔ.

Abes an 4 bokooribɛ sene Nɔɔnbugu, Wolodo ni Nɔnkɔn kominiw cikelaw fe. Wa cikela ninnu cesirilen don koɔrisen fe kosebe. Nka on'a taa bɛe senekele ninnu ma se ka don sene cakeda si ka kana kɔnɔ i'na fo Otiwale. O kera sababu ye ka geleya caman lase komini ninnu kɔnɔ i "na fo balokodese, senekeminen ntaya, kalanbaliya. Misali la n'i ye cikelaw sigi keme o keme, cikeminen te 72 bolo.

Yelekebugu komini min n'an be danbo, n'o be Otiwale ka kana kɔnɔ, o cikelaw be koori tɔni 1 ni kilo 100 soro taari 1 na, k'a soro anw te teme kilo 800 kan taari 1 na.

Anw komini 3 cikelaw b'a jini seneko minisiri ni, Otiwale nemogó fe u ka feerew tige, walasa an ka se ka bila Otiwale ka kana kɔnɔ ninan, n'o kera an ka kominiw na yiriwa.

Zan Jara hakelafasa jekulu nemogó Nɔɔnbugu Komini Kolokani Serikili.


Ne yerekun ni nkelen ta ye jamana tige

Ne ye min jateminé an ka togodaw la nin waati in na, n'a kelen be ka gaw ni duw tige, o ye nyerekun ani nkelen ta kɔnɛw ye. Nin wale ye badenw fara, ka du dumanw halaki. A ye geleyaw don cew ni musow ce ani denw nifaw. Folo, an ka mogokorobaw tun be fara nɔgon kan ka cikeforoba kelen na. Hali mogokorobaw tun be sigi seriminén kelen kunna, ka galama kelen bila-bila nɔgon kɔrɔ.

Mogokorobaw b'a fo ko kogo kunkurunin ka fisa mogɔ ni sigi nɔgon ce ni kuria kunkurunnin ye.

Sumelé Samake
N'u k'a ma Jamatigi
Tasona- Falo komini
Bila serikili

Geleyaba fila b'anw kan ninan



Dirisa Bakari Jara
fara ka don nakɔ kɔnɔ. Mɔgɔ be nakɔ kɔlɔsi ne tile fe; nka sufela la, mɔgɔ t'o ne. Tuma min na a sabatira ko samiyɛ ma diya, mɔgɔ caman jiginna nakɔ kɔnɔ, walasa k'u yere bolomademe. N'a fɔra ko misiw ka taa kalo saba baaraw tige tile kelen, o te numan ye. Geleya filanayen nakofenw sanbaliya ye. Senekelew ta kera geleya faragelya-kan ye. Bi, bi in na, Diyo-Gari la, an ka sugu ye sibiri ye, n'i sera sugui na, i be masaya segin Ala ma. Nakofen si te san. Supɔmu, tamati, jaba, puwawɔron, nin be sɔnnɛn don sugu la, hali ci t'u la. Sanni t'u ban ! N'a fɔra i ka wotorow fa nakofenw na, ka laban ka segin n'u ye, o ye baara ye. Nakofenw fulama de b'anw ka yɔro la.

Dirisa Bakari Jara
Balikukalankaramogó
Diyo-Buwatubugu, Kati

Senekele ka soro be ka nagasi ka t'a fe

Mogɔ caman y'a faamu ko senekele ka soro sababu be bo nɔgo de la. Tubabunogowarite mogowbolo. Ola, anw dɔribugunikaw y'an nɔsin farafinno ma.

Sabu n'i y'a jateminé, san o san senekele be bin ka t'a fe. Mogɔ o mogɔ be deli ka no bɔre 20 soro taari kelen na, o tigi jiginna ka na bɔre 15 la. O ye soro nagasilen ye.

Gonba Tarawele
Dɔribuguni-Kolokani

Balikukalan kebaliya ye dugumogow no ye

Ne y'a kɔlɔsi, k'a ta san 2000 la, ka n'a bila san 2001 la, i n'a fo an be don min na i kobi, dugu caman b'an ka yɔrow la, balikukalan te ka ke minnu kɔnɔ. Yala mun y'o sababu ye ?

An y'a kɔlɔsi ko karamogoko te. Balikukalankaramogó b'u seko bɛe lajelen ke. Kalanbaliya ju be duguw denmisew yere de la. Ni mɔgɔ min k'i be ntori deme ka yelen jiri sanfela la, n'a te se ka yelen, n'i y'a bila jiri bala na, n'a ma se ka yelen, i y'i seko ke.

Solo Jɛnfa
Samanko Falaje Komini na-Kati

Do ka kan ka bɔcogó sɔngɔ la

An be don min na i ko bi, kalacew banna yan. Hali sow labenni baaraw nɔgo yara kosebe.

Koɔri sɔngɔ kelen sefawari dɔrɔmɛ binaaniye, o diyar'anw ye kosebe. Nka ni faamaw ni semudete tun be se ka feere siri ka do bo koɔriforo nɔgo sɔngɔ la, o tun be kura far'an ka nisondiya kan.

Neb'a jini semudete fe, ni koɔri pesera, a ka ce joona k'a wari sara joona. O wale ka di koɔrisenlaw ye kojugu.

Sumana Mɛnta
Sininbugu-Sanando Segu

Bamakɔna be ka denmisew tige

Senekeladenw b'a fe ka ban cike ma; cew b'o la; musomanninw fana b'o la. Musomanninw ta ka jugu kosebe. Sisan, n'i den nana ka bo Bamako, sɔgɔma, n'i k'a ma, an ka soli ka taa foro la, a b'a f'i ye : Kabin'e ye cike damine, i ye here jumen sɔr'a la de ? Ni musomannin ba k'a ma, a ka taa ji di senekelew ma, o fana b'a fo ba ma ko yala kabinicike indaminena, here jumen sɔr'a la ?

An be don min na i ko bi, Bamakɔna kelen be sababu ye denmisew ka ban cike ma. Musomannin minnu nalen don celataaminenw jini, a kera sababu ye k'olu caman ka furuw sa. Senekele caman be kamanagan na bi.

Karimu Jara
NGolobugu.

Hadamadenyatōn n'a ŋaniyaw

Hadamadenyatōn, n'a bē wele nansara kanna «Nuweman Imanisiti», ye mogo hakilimaw faralen ye nōgon kan ni ŋaniya-kelen ye, min nesinnen don danfarali kéléli ma mogow ni nōgon ce. Hadamadenyatōn bē dijē jamana biwōcōrō ni kō kōnō, Eropu, Azi, Afiriki, ani Amerikiyanfanw na. A b'a fē ka hadamadenya bila sira tilennen kan, walasa ka nōgōndegun kēlē.

Mogo min ye hadamadenyatōn sigili hakilina soro, o ye Mariwo, Luwisi Orodorigesi Kōloosi ye, n'a bē wele a jēnogonw fē ko SILO. Tōn in bangera san 1968 waatiw la Arizantini jamana kōnō.

Hadamadentōn ye dēmetōn ye, nk'a tē dēmē. K'i n'a fō tōw b'a kē cogo min na. Abe mogowdēmē, minnujera k'ūŋaniya kē kelen ye nētaa sira kan. A tē wari di mogō ma ten. A b'a fē dugumogow, sigidamogow ka fara nōgon kan ka nētaa baaraw boloda, k'u seko kē, sabu a ka nsana dō b'a fō ko : «Sann'i ka mogō dege jēge dunni na, i ka kan k'a dege jēge mineli la». A tē mogō kelen dēmē; a ka dēmē nesinnen don mogōkafolenw ma, walāsa k'u dēmē k'u kunkow nēnabō.

Hadamadenyatōn ka wari soro lī sirilen tē dijē nafolobatigw la. A ka wari bē bo tōndenw kun. O kōson, ni mogō min donna tōn in na, i bē dōrōmē 240 sara kalo wōcōrō kalo wooro. Owariw bē fara nōgon kan ka mogō degunnedew dēmē. Hadamadenyatōn tē mogō bō mogō la; a tē diiñe bō diiñe na; a tē siya bō siya la. A tē kēlē fē; a tē diyagoya walew fē

Amidu Kulubali
BP. 208 Bamako

Jēlē musow ka denbademēton

Jēlē musowyé balikukalan damine san 1991. Jēlē yan bi kalandenjolenw bē se 7 ma; karamogow ye 2 ye. Ninnu bēs lajelen ye musow ye. Musow kera jekulutōn ye san 1995. U ye bēnkan dō kē walasa ka wari soro ka don u ka kēsu kōnō : kalo o kalo musow bē dōrōmē 10 sara.

Baarakēnōgonya bē jēlē musow ni Poroze «AKODEPU» ni nōgon ce. O jēnōgonya kōnō poroze bē juru don u la jago misenninw kēli kama. Poroze in ye kalanke minenw d'u ma, i n'a fō walana bani gafew n'u nōgōnnaw.

Musow ka tōn in tōgō ye ko «Denbademēton». U ni semudete ye baarakēnōgonya damine san 1995. O kēra sababu ye semudete ka nēgē sinsan dō jo musow tōgō la, k'o kēnakō ye. Nakō in bē ben taari kelen nitila ma. Musow bē tilema k'o nakō senenin na. Ni samiyē sera, bēs ka kēne bē sene foronko ni fēn wērew la.

San 2000, musow ye fērē wērew tige walasa ka dō fara u ka soro kan. O la, u benn'a kan ko muso kelen-kelen bēs ka na ni si segi kelen ye. O bē kē sababu ye ka do fara kēsu wari kan. Nka sikōlō in benna kōlōdinge fila ma, minnu dūnya bē se metere fila ma.

Seyidu Fonba Jēlē Beleko-Joyila

Fuseni jara ye tīnē fō

Fuseni Jara ye bataki min sēben Marisikalo kibaru kōnō, musomanninw ka Bamakō taaliko kan, a ma fosi fō ni tīnē tē.

Anw fē yan, musomannin fēn o fēn mana taa Bamakō, n'a seginna dugu kōnō, a si tē sōn furu ma, k'a sababu kē Bamakō bē sira kura d'u sen kōrō.

An b'a nini faamaw fē, u ka wuli k'u jo cogo min na togodaw musomanninw ka tungafetaa bē se ka nōgōya. Tungafetaa ye furuw sa, ka kanuw dabila togodaw la.

Sori Bacili Abijan, Kōdiwari

Julaw bē sēnekela dun

Ni gofērenaman ma nō, tiga, kaba n'u nōgōnnaw sōngow dantigē, cikēlaw ta bē kē sēgen fu ye.

Sabufobōwaati la julaw bēna sēnekela dun san dasu la; u bē tiga kilo san 25, nō dōrōmē 7, kaba dōrōmē 5. Ni samiyēdonda sera u bē tiga kilo feere sefawari 45, nō 25, kaba dōrōmē 8. Sēnekē kera ntola ye julaw bolo, k'a tan u ni nōgon ce. Wa ni ntola tanna, a kuruw bēs bē don sēnekela de kun.

Musa Sinayoko
Fuladugu Mōrō-Mōrō Kita

Jamana gafe kōrōw ye jeliw ye

Jeli Baba ka maana dabillali ma diya mōgōw ye hali dōonin. Sabu n'i ye Jeli Baba ka maana damine waati jateminē a ni sisan ce ka jan kōsēbē. Ka fōk'o

Yaya Mariko
ye maana dabila ten; a ma bōjabaranin na; a ma fō arajo la, o ma diya mogow ye. Sabu kabini «arajo sudan» waati, Jeli Baba bē maanabō la, fō ka na se «arajo Mali» ma, fō ka na telewison waati se. A ye san bisaba ni san saba kē arajo la, maanabō la. Kā n'a bo nin cogo la ten !

San bisaba ni san saba tē tile saba ye; dōgokun saba fana tē; kalo saba yērē tē; hali san saba tē ! Maliden si tē yen, jamana kōnō an'a kōkan, min tun tē Jeli Baba ka maana lamen ni taratasu tun sera. Halini kaba tun t'i ka arajo la, i tun bē t'a san, walima k'a juruta. Mogō o mogō tun bē maana in kanu, a su kelen tun tē tem'i kan; f'a tun bē kē dōw la i n'a fō bana. Sabu maana minnu tun bē bo, olu baaraw waati ni sisan ce, hali ni mogō min k'a bē san baa fila bo, i ma kalon tige; n'i ye Sumaworo Kante ni Sunjata Keyita, ni Bitōn Kulubali ka waati jateminē, o ni sisan ce ka jan. O y'a soro nansaraw ma don yan fōlo. Gafe tun tē yen ka maanaw mara. O tuma, Jeli Baba n'a nōgōnnaw kunkolow nigafe bēs ka kan. Jeli Baba ka maanaw ka kan ka kē gafew ye, k'u mara. A ye san bisaba ni san saba minnu bēs kē maanaw na, olu bēs ka kan ka kē gafew ye, k'u mara, sabu jamana kālānko bē ka taa bolo min kan, o tē bolo numan ye.

N b'a nini jamana nēmogow fē, u k'u hakili to jeliw la, sabu olu y'anka Mande gafe kōrōw ye; w'an bē laban olu de la. Fōlō mogōkōrōbaw tun bē bamanankan dō fō ko denmisennin bē kasi su la; ko mogōkōrōba bē kasi banabagato la.

Yaya Mariko
Kalabankōrō-Kati

Ntaki nanakəkərəba seginna so

Miniti 28 kono, ka binkanni ke min nogon ma deli ka ke dijne kono a be san keme bo, k'i nəmadogo ka san 36 ke, ka san 32 ke Berezilijamana kan, Oronalido Bigisi ka segin ka n'a ka jamana kan, o tun te se ka dogo dijne kono, ale min kera binkannikelaw ka nəməgo ye, minnu ye Gilasigo ni Londuru furance sisikurun do lajo, k'a wari bee lajelen ta, kabini san 1963. An be don min na i ko bi Bigisi si be sanji 71 la, bana digir'a la kosebe. San 36 kelen nəmadogoli la, a sonna ka segin a ka jamana kan, k'a yere bila fanga ka bolo kan. Kabin'a sen cunna duguma, ka bo pankurun kono Londuru lakalitasebenba do «Sunni» tun yemin Sofuru analikama, faamaw y'a minne ka t'a datugu. Oronalido Bigisi tun ka kiiri tigera k'a don san 30 kaso la, san 1964, k'a sababu ke, a ni dow tun jera ka binkanni wale do ke min ma dogo dijne fantan ni naani sila, n'o ye waridoni sisikurun do lajoli Gilasigo ni Londuru furance la, k'a wari bee lajelen bo. A kelen ka kalo 15 dɔrɔn ke kaso la, a bolila.

Ajirala ko binkanni in kera sababu ye a tigiw ka sefawari miliyari 50 soro, wale in kera nogoya dan bee de la. Terenbolila kelen ka taayeelen bilenman do yelekuto ye, min man kan ka ye, ale ye teren lajo kungo kono, Sedingitoni dugu masurunya na; a ni Londuru ce ye kilometere 60 ye. O kelen terendilanna jiginna k'a be taa negejuru ci gari do la min ka surun u la, walasa k'a don tasumayeelen bilenma min nini yoro in na. O yorɔn in bee ce fila bora tu la, fini be k'u nedaw datugu, k'u fili terendilanna kan, k'a sama ka taa n'a ye fo teren kono; o y'a soro tow ye terenbolila bugo k'o kirin. Terenbolila dɔrɔn de kera nin binkanni na mogo joginnen ye. Marifa kunkan kelen ma ci a sen fe. Kabin a kera terenbolila ma baara ke tugun. Bana do y'a faga san 1970, fura te bana min na, n'u k'a ma «kanseri».

Binkannikelaw ye nege don terenbolila ni terendilanna na, ka bore 17 wari bee lajelen konkon u nebosolen nena, ka soro ka don kamiyon do kono k'a tunun.

Nin wale binna polisiw da kan sabu terenkerenkerennen in boliwaatiwtun

ye gundoba de ye.

Mogo suguya caman tun be binkannikelaw la, i n'a fo do ka baara tun ye pankurunboli ye, do tun ye lafasabaga ye n'o ye «awoka» ye, do tun ye fenkɔrɔw feerebaga ye. Yoronin min kera sababu ye ka binkannikelaw nomine, u now yeli min kera wari tilayɔrɔ la. A ma hali kalo 6 dafa binkannikelaw bee minena polisi fe. Oronalido Bigisi tun b'u la. U ka kiiri tigera san 1964. Bigisi n'a jənəgɔn w ka kasow tun b'a ta sanji 3 la, ka se sanji 30 ma. San 1964 utikalo tile 12, Sarili Wilisɔnni bolila ka bo kaso la. Ale minena Kanadajamana kan san 1968. San 1965 zuluyekalo tile 8, Bigisi fana bolila, ka nəmadogoli damine dijne nefe.

A bolen Faransi tuma min na, dogotorow y'a nedabaye lema, a taara jamana caman na, i n'a fo Esipani, Ositarali, Arizantini, Boliwi Polisiw be k'a nini nin bee la. A y'a laje k'a basigi Berezilijamana kan san 1970, sabu olu ka sariya t'a daga kasoden ka labo ka di Londuru ma. O don, wari min tun b'a kun, o be se sefawari miliyari kelen ni miliyon keme wolonwulan ma. O kera sababu ye a ka «nbədiya» ke kosebe.

San 1974 angew ka polisinjana do, Zaki Sitiperi tun b'a fe k'a minne Iriyo dugu kono. Nk'a terimus Eremunda kera sababu ye k'a tila. O tun ye mogo lakodonnenba ye nənaje sira fe. A tun ye kono d'o la. O den wololen k'er'a den naaninan ye; o togo dara ko Mikayeli Ferinando Nasemanlo di Kasitoro Bigisi, n'u k'a ma ko «Mayiki». Akelenka Sarimiyan Poweli furu Bigisi ye den 3 soro fe. Den laban wolola a ka boli senfe k'a taa Ositarali.

San 1982, warjinina dɔw tun b'a fe k'a minne, k'a bila ka taa Garandi Beretaji. U y'a minne k'a siri, ka fini sɔnson a da, k'a bila bore kono, k'a seben bore kan ko «sa nənama». Jikankurunba taara n'a ye Baribadi gun kan, k'a bila fanga ka bolo kan. K'a sababu ke labɔlisəben labəncogo juguye, olufana y'a bila ka taa Berezili jamana kan.

Kabin'o waati nafolo banna; juruw yelenna Bigisi la ka caya; bana dɔw fana y'a minne k'a senw faga. Walasa

ka geleya kεle, a tun be yamaruya di mogowma, u k'a nidiŋyaalalaw ja ta; o kofe a tun be dulɔkiw feere; a yere ja be minnu kan.

Ntenendon min a cunna fadugukolo kan, o y'a soro a kɔrɔla; banna digir'a la fo k'a dese kuma la, a ka kumakan bee lajelen tun be jigin a kono. N'a tun be kuma polisiw ka dogotoro tun be to k'a daji ce ka b'a bonbonsi la.

Bigisi y'a jira lakalitasebenba «Sunni» na, o min kera sababu ye ka na n'a ye, k'a b'a fe ka sa a fadugukolo kan. A k'a t'a fe ka k'a den bolo doni ye sabu o deser'a furakeli wari la.

Mankanw wulila lakalitasebenba in nofe Garandi Beretaji kono. Don o don «Sunni» miliyon saba de be bo jamana kono. Lakalitaseben caman y'ajirako «Sunni» ye sefawari miliyon 12 di Birisi Erenolidisi ma, n'ale ni Bigisi tun ye binkannikelaw cəla nənaw ye. Pankurun Sofuruli, n'o y'a luweli ye, o warifana te nin na; o b'i t'a jo sefawari miliyon 150 la. Pankurun in togo ye ko «Falikoni». Berezilikaw ka lakalitaseben «Esitado di Sawo Polo» y'a jira ko nin kɔnɛ in na, «Sunni» ka wari bolen be se sefawari miliyon 350 ma.

Jekulum in sigilen don lakalitajininaw ka baara kɔlɔsili kama, o y'a jira k'a ben'a ko nənini. A te ben cogo si la lakalitaseben ka binkannikelala sara, walima k'a jənəgɔn w sara fo ni kunnafofi ninita nafa be se jamana bee lajelen ma.

Sunni y'a jira, k'a bogoladon k'ale ye wale min ke nin ye, k'a ye waribɔ bo jamanadenw ma, walasa Bigisi ka se ka soro ka minne, k'a bila fanga ka bolo kan. Okama mankan minnu be ka ci fan bee fe, olu balala «Sunni» na. Goferenaman fana y'a niyɔrɔ soro kɔnɛ inna. Depitewy'a jirako goferenaman teliyara taamasəben dilanni fe Bigisi togo la. O te dowere ye, u b'a fe ka mantiya de nini kalataw nəkɔrɔla la, minnu ka kan ka depite kurawsigi. Ko «Sunni» fana y'a jira k'ale be minisiriñemogo dəmə.

Mogo caman fana be Bigisi ka naniya jugu sirilen kofo. A kelen k'a diya kosebe Iriyo, ka yele polisiw la san caman, ko bi, a kɔrɔlen, a bananen ben'a yere fura ke jamanadenw ka nafolo la. Dow yere y'a jira ko lakalitaseben «Sunni» ka kan k'a jɔni Bigi ka furaw sɔngow bee lajelen ye.

Badama DUKURE

Ka ke səbenntan ye i fa jamana kan

Mariti si bē sanji 48 na; a furulen don; den 4 b'a bolo. A bē kinjamamayoroba dōla Duwala dugu kōnō, n'o ye Deyido ye. A ka wolosebēn n'a ka bugunnatigēsēben (karitidante) tununna. An bē don min na i ko bi, Mariti ka kan ka na ni dalilu ye min b'a jira k'a ye Kamerunika yerewolo ye, walasa a ka karitidante sōrō. Atē seka wuli ka b'a no na ni faamaw ma min sēbenko la. A y'a jira k'a kōnogannen don. A tē mobili ta sabu sēgesēgeliw bē to ka kēmobiliw kōnō. Tuma bē n'a bē bo dugu kōnō, a bē nininkali ke ni mineli te sen na.

Nka nin si m'a kisi mineli ma. Don dō la sandaramaw y'a minc yoro dō la min ni Duwala cē bē se kilometere 10 ma. A ye sefawari kēmē fila d'olu ma.

Sēbenko bē ka Orobēri fana s'a dan na. Ale si bē sanji 20 na. Karitidantenntanya bē k'ale bali ka baara sōrō. A mana ta baara nini yoro o yoro la, karitidantiko bē f'a ye. Wari dun t'a bolo ka sēben in ta. A la ye sēgen dan ye !

An bē don min na i ko bi sēben te kamerunika minnu na, olu de ka ca kōsēbe, sabu a bē sanji naani bo bi, i tē se ka karitidante sōrō f'i k'a jira k'i ye kamerunika yerewolo ye. O la, i bē se tiribinali la k'o sēben nini. Nka o kōne ka gelēn kōsēbe. Taakasegin dan don ! Sanko mōgo minnu ka sēbenw tununna n'u masek'u nōgōnnaw dilan; i n'a fo. Mariti ni Orobēri bē lahalaya min na sisan. Mariti ko, ale ka wolosebēn tununnen, a taara mēri la, ka sefawari kēmē fila sara. U ye nininin ke ka dēsē, u ma se ka sēbensun ye walasa ka nōgōnnaw dilan; ka sababu ke ko nsirasun binna mēri kōrō kan ka sēben caman tunun.

Nsirasun binni te sēbenntanya kun dōrōn-ye. Kamerunika minnu wolola sanni san 1960 ka se, walima san 1960 temenēn kōfē dōonin, wolosebēn t'olu si bolok'a sababu kē basigibaliya ye jamana kōrōnfela la.

Sariya dun b'a jira ko ninnu bēe lajelen

ka kan kā wolosebēn sōrō tiribinali sira fē. Nka, o kōne ka gelēn k'a sababu kē sūrofēnko ye. Duwala sariyatiglamōgo dō y'a jira ko wolosebēben sōrōl waati n'a wari man ca ka s'o la. Nka ko bēe b'a fē ka wari sōrō diyagoya la. Nin wale kēra sababu ye wolosebēn lankolon dilannaw ka caya jamana kōnō. Olu bē yerewoloya feere kamerunika yerewolow ma. Hali polisisow la karitidantew bē dilan yōrō min na, i b'a sōrō polisi dōw bē ke sababu ye ka sēben lankolonw di mogow ma. Mariti laban y'a dogo ka wolosebēn lankolon dō dilan. Polisikē kelen ka f'a ye ko wolosebēn lakika tē,

a ko fēn o fēn bē wolosebēn lakika la, olu bēe bē sēben in na. A ye sefawari kēmē naani di polisikē ma, k'a ka karitidante dilan.

Nin wale kelen in kēra sababu ye hali dunanw ka sēbenw sōrō, minnu b'u tanga «kariti di sezuru» tali ma. San 1999, jamana nōmōgōba dō Emaniyēli EDU y'a jira ko dunan miliyon 5 nōgōnnaw bē Kameruni jamana kan, jamana ka yerewolosebēn bē minnu bolo. A ko kamerunikaw fana bē yen, sēbēntē minnuna, n'ub'u dogo jamana kōnō.

Daniyēli Loka
Badama Dukure

Npogotiginin fila jera ka faga nōgōn fē

Dala n'a bē wele Tenen

Nin kabako binna Bankoni Layibugukaw bēe lajelen da kan, Bamako sibiridon, san 2001 mēkalotile 19. Npogotiginin fila, Payi Kulubali ni Tenen Kuyate suw yera mobili dō kōnō, du dō kōnō. U siw tun ye sanji 7 ni sanji 8 ye. A jirala ko mobilitigi y e m o g o lakodōnnēnba ye j a m a n a magobatigw cēla. Mōgo minnu bē npogotiginin fila in don, olu y'a jira ko dakawuli teriw tun don; u tun bē nōgōn

fē su ni tile.
Kiiritigelaw ka dōgōtōrō y'a jira ko binkēra npogotigiin fila ninnu kan k'u jēneya fōlō, ka sōrō k'u kanw bisi fō k'u ni minē.

Min ye mobilitigi yēre ye n'o ye magobatigi in balimaden ye, oy'a jira ko nin ye fanga

talen ye kale sēgeré walasa k'a kē mōgōfagalā ye, ani binkannikela jugu.

Badama Dukure
(Fotow tara KABAKO Kōnō)

Payi Kulubali

Meseké-Mesékew ni dunanw keléli bë ka dankari Abijan Pôriba la

Kabini fangabinni min kera Kôdiwari san 1999 desanburukalo la, ani cemancefanga basigibali min tugur'o la, pôriba kow bë ka bin don o don ka t'a fë. Kêmesarada la pôri kow binna ni 5 hake ye. O kôro ye ko toni hake mintun bë bila pôri ka bolo kan, obora 15.338.066 la, ka n'a bila toni 14.558.414 la san 2000.

Min yere ka jugu n'a to bëe lajelen ye, taakasegin min bë pôriba ni jamanaw ce, kogôji te jamana minnu na, i n'a fo Burukina Faso, Mali, Nizéri, o taakasegin binna ni 11 hake ye kêmesarada la. Toni hake jiginta y'a ta 1.059628 la, ka bin ka na fo toni 944 971 la.

Walasa ka taakasegin sabati pôriba ni jamana saba ninnu ni nôgôñ ce, pôriba ye hakilina kura dô ta, n'o ye minisirissaba, jamana kôkôkowminisiri ni jago kônew minisiri, ani jamana kôkankow minisiri ka je ka jamana saba kumajogonya.

Jamana bolifenkow minisiri b'u ke naaninan ye. Min ye ko geleyayôrô ye, o ye minisiriw ka dannabaliya ye. Kôje min ka jugu kosebë, o ye meseké-mesékew caman ye. Fo minisiriw ka jamana saba moggow hakili sigi, ka wale ne jônjôn nef'u ye, i n'a fo pôriba ne mogô dô y'a jira cogoya min na. Pôriba joyôrô fana ka kan ka jira Kôdiwari sôrôko siratige la. Hali n'a danna malo dôron ma, o kelen bë sefawari miliyari 5 ladon pôriba ka kesu kôno.

Karifa Bakayoko ka fo la, n'o ye jago kônewsebenjenabôbaga dôye, sanni fangabin ka ke, kalo la kesu belebeleba 100 tun bë nôgôñ sôrô pôriba la, n'u k'u ma ko «Konteneri». N'k'o hake nana ke 30 ye, fo ka se 15 nôgônnna ma.

Fen minnu nana ni geleyaw ye, olu ye finitigw ka binkanniyé, ani dunanw keléli ka bo jamana kôno. Kôdiwari jamana cecili tun kera katabanaani

ye anika warikocaya fo k'adamatem, in'a fo poriba ka seben kerenkerennê dô y'a jira cogo min na. Kôdiwari sôrôkow minisiri ka folâ, goferenaman bë nin geleyaw bëe lajelen kalama. Feerew sirila Kôdiwari n'a kôronfefan jamanaw ce taamaw kama; ko segin te k'o kan tugun, Minisiri Patiriki ASI ka foli la. Marisikalo la goferenaman tun ye diyagoya barazi dalenw wuli ka bo taamanaw ne jamana kôno. O kera sababu ye ka walew hogoya doonin. A jirala ko binkanniw ni meseké-mesékew tun bë pôriba la sanni fangabin ka ke; i n'a fo Wedarawogoy'a fo cogominna, n'ale ye Burukina jago kônew ni bololabaaraw ciyakeda ne mogôdoye. Pôriba ka jekulu kerenkerennendoy'a jira ko yuruguyurugu ka ca pôriba la kojugu. O kera sababu ye pôriba baarakê nôgôñ k'u nesin pôriba

werew ma, n'olu ye Akara, Lome, Kotonu, walima Dakaru poribaw ye. Wedarawogo ka fo la, mogow hakili bë taa fen folo min na ni geleya kera, o ye nin de ye. Sira bolen don an ni Lome ce. A ko togokaw tun y'a jini u ni Burukina ka baara ke nôgôñfe, a bë san saba walima san naani bo. Nka Wedarawogo ka fo la Kôdiwari ta y'a damako kerenkerennen ye.

Kôdiwari kow hakili b'a la ko nin sira kôrôba min b'a ni jamana kofolenw ce kabini lawale la, k'o sira te se ka tige abada.

U yerew ka fo la, ko pôriba in ye bëe lajelen ta ye i n'a fo minisiri Asi y'a fo cogo min na. Jamana kofolenw b'a fe Kôdiwari k'a joyôrô fa, ka tanga d'u kan. Mogo min bë sefawari miliyari caman ladon i kun, o tigi ni bonya ani karama ka kan.

Badama Dukure

Dugumênew bë gaw kôlôsi

Kunbencogo numan min bë tile la, n'a musaka man ca, o ye ga joli ye. Ntuloma naanini bin damado, o ye ko banneny. Gayefjinemineyôrô numan ye funteniba waati la. I bë mogow bisimil'a kôro; hali nôgônyew bë k'a kôro, sanga ni waati bëe, fo tuma min ka d'aw ye. Nka ga fana n'a masibaw bë nôgôñ na, k'a sababu ke mun ye ? Bubagaw ! Bubagaw bë wuli ntulomaw fë.

U caman bë ntulomaw jimi dugû jukôrô, f'u bë kari ka bin. Nin kasara in dulonnen don bëe kun na : ce ni muso; denmisèn ni mogôkôrôba; hali baganw ! Tine don, bubagaw bë jiriw sanfela fana jimi; nka nômô b'olu kisi binni ma; walima n'i ye petôroli doonin seri-seri ntulomaw kan, bubagaw bë taga. O n'u dugujukôrlama te kelen ye.

Feerew bë yen minnu ka nôgôñ, n'u

b'a to gaw te bala ka firi hadamaden kan. I bë se ka nege san k'o turu. N'o se te mogô min ye, wajibi t'i dali ye ga jukôrô, bawo sanga ni waati bëe ga bë se ka fir'i kan. Sabu togodalamogow y'a kôlôsi ko dugumêne ni bubaga te kun yôrô kelen na. O la u ye feere do sôrô min ka nôgôñ kosebë. N'u ye dingew sen, sann'uka ntulomaw turu, u b'u bolo fa nôkise la k'o ke dingew kôno, o bë k'i n'a fo «eman».

Abë dugumênew samanka na, k'u ka so sen ntulomaw kôro. N'o kera, bubagaw mana na k'u b'u ka sow sen, n'u ye dugumênew sôrô yen, u b'u yere jini. Ntuloma kelen bë se ka san fila, san saba k, walima min ka c'a n'o ye, ka sôr'a ma tine. Nin feere kelen ka ni jiginew fana ma, minnu jolen don jiriw kan.

Suleymani Watara
Badama Dukure

Bako TURE y'an bila nənafin na



Bakoroba TURE n'a denke Jose a ka ntolatannajo tulonke waati san 1982 Bamako

Fatogoma WATARA ni Basori JARA bannen kō san 2001, marisikalo la, saya ye Mali ntolatanna dōnnenba do wēre sojē n'o ye Basiriki TURE ye, min tun be wele ko «BAKO» wali «CEFIN», san 2001, awirilikalo tile 28. Bakoroba TURE ye sègen min y'a ne la, a ka dijelatige kōno, a saya kibaruya jensenniy'a dōnbaga jōnjōnw bēe dusu tīne. San laban ninnu kera geleayaba waati ye Zose TURE faké Bako bolo.

Bakokelenka balontandabila, a nanjo nənaje laben n'a teriw n'a limanaw ye san 1982, desanburukalo la Bamako. Kunnafonidilaw y'a nininka o waati ko fēn min y'a soro a ka dijelabokōno, geleya ni degun ni tööro sira kan, ko yalio o nōgōw wēre be se k'a soro tugun ni Ala ye garisegē jūman d'a ma ? Bako y'u jaabi ko mögosi te segin a ka walejugu kōrōwkan. A konkantolatan y'ale dusu lamin, k'a limaniya.

Hakilijigin na, kabini Mali tögo tun ye ko «Sudan Faransé»: san 1957, Bakoroba TURE ye Afiriki tilebinya min tun maralen don Faransi fe, o jamanaw ka ntolacijanaminējanaw ka kupu yalon k'a to «Zandariki» ntolatanton na, o y'a soro a si ye san 17 ye. O san kelen na, Bako ye Faransi sira min, ka be t'a garisegē laje Faransi ntolatantonbaw kerefe. A y'a ka nənaya damine san 1958, Marseyi dugu tōn fe; ka taa o nōkan san Tuluzi tōn na. San 1963, a

yelémara Limozi dugu kōno. Bakoroba sen nana jogin f'a yesan fila jijalen ke k'a soro a sen ma da balon kan yen dugu kōno.

A nogoyalen, a taara Nantintolatantonna san 1965 fo Ala ka n'a sago k'a ye, n'o ye Faransi ntolantōw ka nənaya soro y'a fe ni Nanti ye san 1966.

A san 27, Bako yelémara Azakisiyo tōn na, bawo a somina k'a ka ko tun te Nantikaw bolo sebe la bilen. A tun be balontan baara min na, n'a tun be sara o kama, a y'o baara lajōsan 1968 Azakisiyo. Ataar'i sigi dugunin dō la ko Bula, ka to k'a faribo gögn na ni yen denmisenw ye. Sheki KUYATE de y'a ye Bula, k'a jini a fe, a ka segin Faso la ka na nənafin bo a n'a limanaw bēe la. A nana bēn o la ni san 1972 kUPUDAFIRIKI ye. Bakoroba TURE ni Usumani TARAWELE min tun be wele ko Usumanibilennin, u mögo fila

nana Malifunankeninwjkōrōmatintin, kādusu don u kōno, k'u ja lafarinya fo Mali samataségew sera san 1972 nənamine nəna fila ka kunben kēs kan, n'o ye «finali» ye.

O janjo ma diya Mali la, bawo Kongo ye samataségew ci bi 3 ni 2. Bako y'a jira ko denmisennya de y'an ka funankeninw soro, bawo jama ka mankan y'u dusukun yereyere fo k'u nīne u yere kō. Bako ko n'o te, Kongo tun te se Mali la.


KUPUDAFIRIKI temenen kō, Bako ka fasodennumanya y'a bila ntolatanyōrōw sira kan tuguni Mali la; a tun b'a fe ka kē degeli karamogo ye. O waati kelen na, a nana dōnkoyōrō dō laben awiyōnjiginyōrō kōno la n'a denke Jose TURE ka dēmē ye. Den in tun be ka tögo soro Faransi ani farajela jamana wərew kōntolatanko la. A denke Jose TURE fana nana bana, fo k'a dēsē a fa demenina, bawofentunt'ofana bolo. Ninjigitigēwaleye Bako jigitomisenya dijelatige sira kan. Nka o n'a taa bēe limaniya ma tila Bakoroba TURE la fo ka na se a saya ma.

Ala k'i dayōrō suma, bako !

Mamadu JARA
Basiriki TURE

TULON

Nin desen fila dilanbaga y'a dab'a kama, ka fili 10 k'u la. A'y'olu nini.



-Tulon je appelle un chariot.

1 - Sigillan numanyantfan. 2 - Muscros min be sigillan kān. 3 - Muru. 4 - Butelli dalem. 5 - Lenburubaw. 6 - Namasaw tissan. 7 - Kessu min be numarf. 8 - Manje nukun

jabalí

Bone y'a den wolo Akara ntolacikeneba kan k'o togo da makariko

Kosa in na, ntolatan kunben do senfe Gana faaba kono, n'o ye Akara ye, Heriti ni Kotoko tonw ni jogon ce, nogondigiba dokeria mogo 130 jogonna sata ye, o y'a soror Akara farikoljenajeyoroba tun falen don i ko dakononin, mogo 40.000 jogonna na, minnu tun nan'u ne daamu bo'ton nana fila ninnu ka kuwaba kan.

A jirala ko jogondigi in ju bora polisiw de la, minnu ye jama nagami ni gazi filili ye filelikelaw kan. Olu girinbaato y'u nesin bodaw ma ka t'a soror olu bee datugulen don. Utuma jama ye jogon congoli ni jogon terekeli damine fo ka taa se nibo ma.

An ladonniyara ko balawu daminena waati minna, oy'a soror balontan to tun ye miniti 5 ye. Ashanti Kotoko ka mogow diminen ye Farikoljenajeyoroba sigilanw bogoti k'u lafili ntolatankene kan, bawo Heriti tun ye bi 2 don u la, k'olu to bi 1 na. O de ma kun Ashanti mogow fe. Seere do ka lakali la, n'o ye Kofi OWUSU ye, o ko u y'u sen futuma min na k'u b'u yere nin, ntolaciyo yeelen fana fagara don. O de y'a ko ke fiyentoberé ye, bawo u ye miniti 10 jogon ke dibi la ka jogon foroki. OWUSU k'aleyere y'a donbaga caman su dalen ye, a taara minnu somogow ladonniya.

Jate folo min minena Akara dogotorcsobaw la, o furew hake tun ye mogo 120 ye, nka mogo 10 were farala

olukan, minnutun be dogotorso werew la. A jirala ko mogo minnu joginna bera m'o je 100 la. Jate laban min kera san 2001, mekalo tile 10, à y'a jira ko fagalenw hake ye mogo 123 soror ka joginnenw hake ke 93 ye, minnu lakodonna folo, bawo a b'i n'a fo ko dutigi dow taara n'u ka suw n'u ka mogo joginnenw ye u ka so.

Gana goferenamaka kumalasela n'o ye Elizabeth OHENE ye, o y'a jira k'u bera jekulu kerenkrennen do sigi sen kan, ka nesin polisiw ka dantemew wale in segesegelima. A jirala ko Akarakaw, sanko funankeninw taara bin u ka faaba dafela polisiso do kan k'a ban, k'u ka nisongoya jira polisiw la, k'u ye mogofagalaw de ye.

Gana peresidan Kufuwori yere ye san damado ke Ashanti Kotoko nemogoya la. A ma fosi faamu nin wale in na; a dusukasilen taar'a ne da suw ni banabaatow kan Akara sorodasiw ka dogotorcsoba la. Wale in taara k'a dan cogoya la, hali a ma se ka kuma.

A jirala tuguni ko Akara farikoljenajeyoroba in ma jo ka benni dinne ntolatankow jenabu jekulu ka sariyaw ye, n'o ye «FIFA» ye, bawo sinsan de kankannen don filelikelaw ni ntolacikene ce, min b'u bali k'u nesin o keneba ma ni jahadi wali balawuko were kera. Akara gerengere juguyayor do y'o fana ye.

Hakilijigin na, nin y'a siye saba ye nin

jogon kasaara ka ke Afiriki mara kono farikoljenajeyoroba la, hali a te kalo kelen dafalen bo.

Aseki ni Afirika ka kunben min kera Abijan mekalo damine na, tonw surunandonnaw ye jogon walon ka su kelen b'o la ani ka mogo tan jogonna jogin. San 2001, awirilikalo tile 29, Lunubasi dugu kono, n'o be Zayiri, mogo 10 fatura ani ka mogo 51 jogin ntolatantonw surunandonnaw ka ferekenagami senfe.

Minye Elisi Parikitaye, Johannesiburugi dugu kono, Afiriki worodugujamana kono, an da ser'o ma Kibaru temenen kono. Su 43 ni mogo 160 joginnen bor'o jogondigi kono filelikelaw ni jogon ce, san 2001, awirilikalo tile 11.

Nin kasaaraw be fen min jira, o ye Afiriki lakanabagaw labenbaliya ye u ka baaraw kama tulonke senfe, bawo filen ni galama mana tu jogon na jama la, u be berew ni gaziw fili filelikelaw kan, i n'a fo se were t'u ye o nangili suguyaw kominkolow te dan soda la. Nin ye laadilikan ye ka nesin Mali ma, san 2002, KUPUDAFIRIKI laben kalifalen don anw maliden minnu ma. Baaraba de b'an ka jamana bolo lakanabagaw labenniko la, k'u bila sira numan kan u ka walew tiimeli konuman na «KANI 2002» dunanw bisimilali n'u kolbsili n'u lakanani na.

Basiriki TURE

Ntolatan nana mankanninw ka KUPUDIMONDI

K'a ta san 2001, setanburukalo tile 14 na ka t'a bil'a tile 30 la, ntolaci nana minnu si te san 17 bo, olu bera jogon kunben Tirinidad ni Tobago jamaha kan u togola KUPUDIMONDI kadara kono.

Kulu naani minnu sigira sen kan, o ntolaciw sira kan, olu file:

Kulu A : Tirinidad ni Tobago jamana ni Korowasi ni Ositarali ni Berezili, olu jamana naani ben'u kogo da jogon na.

Kulu B : Lamerikenjamana ni Zapón ni Faransi ni Nizeriya jamanaw bera jogon soror o kulu kono.

Kulu C : Oman ni Esipani ni Arizantini ni Burukina Faso bera kuwaba ke u ni jogon ce, o kulu kono.

Kulu D : Mali ni Parageyi ni Iran ni Kosita Irika bera katabaanaani wuli u ni jogon ce, o kulu kono.

Balontan te faamu, n'o te samatasoge denninw ka kulu man gelon kosebe fo ka se an ka siran ma.

"AMAP" kuntigi

Gawusu DARABO

Mali kanw kunnafonisebenw

baarada kuntigi

Nanze Samake

Kibaru

BP : 24 Telefoni: 21-21-04

Kibaru Bugufiy Bozola

Bamako -Mali

Dilanbagaw ni sebenbagaw kuntigi

Basiriki Ture

Sebenbagaw kuntigi

Badama Dukure

Labugunyoro: Kibaru gafedilan baarada

Bolen Hake 16 000